


## Ntlwana ya Mokoti ya Kenomoya e Ntlafaditsweng (Ventilation Improved Pit toilet – VIP)


Mantle a wela mokoting moo tse bolang di bolang teng mme mekedikedi e monyela mobung o ka thoko. Phallo e tswelang pele ya moya ka marulelo le ka peipi ya kenomoya e tebela maphoka mme e lokolla dikgase ho tswa mme di kene sepakapakeng. Ka ho boloka bokahare bo le lefifi, dikokonyana tse kenang mokoting di hohelwa ke kganya e pheletsong ya peipi ya kenomoya mme di tshwaswa ke sesireletsi kgahlanong le dintsi.

Tjhelete ya thekiso: e ka fapana ho tloha ho R600-R3 000, ho itshetlehlilwe ho se kengwang ke monga lelapa le kgetho ya disebediswa. Ditjeo tsa tshebetso: R60 haeba e qhalwa hang ka mora dilemo tse 5.



## Ntlwana ya Mekoti e Mmedi ya Kenomoya e Ntlafaditsweng (Ventilation Improved Double Pit Toilet - VIDP)


Metheo ya tshebetso e a tshwana le ya ntlwana ya VIP. Ho sebediswa mokoti o le mong mme o tlatswe ho fihla ho halofo ya mitara ho bokahodimo. Mekoti ya ho ithoma le ya kenomoya e ba e kwalwa ka botlalo mme ho sebediswa mokoti o mong. Dikahare tsa mokoti wa pele di a epollwa ka mora nako e ka bang dilemo tse pedi *bonyane*, ha di se di se kotsi haholo. Tjhelete ya thekiso: R2 500-R4 500 ho itshetlehlilwe ho se kengwang ke monga lelapa. Ditjeo tsa tshebetso: R35-R135 dilemo tse ding le tse ding tse pedi ho itshetlehile ka seabo sa mmuso wa masepala, maikemisetso a monga lelapa a ho tshwarahana le tsa mantle, dikgetho tsa ho qhalwa.



E na le mabotana mme lebotana le bohareng le kwetswe


# Ntlwana ya ho etsa moitedi/ya dikgelosi tsa moroto

Tshila e kena tjhembareng mme dintho tse ommeng tse bolang tse monyang tse jwalo ka patsi, molora, jwang bo ommeng kapa meroho, di a kenyeletswa ka mora tshebediso e nngwe le e nngwe ho nkgisa mantle a bolang monate mmoho/kapa le ho laola mongobo le ho nolofatsa tshilo (ho etswa ha moitedi). Moroto o ka nna wa arolwa/kgeloswa ka tshebediso ya setshehetsa-tankana se lokisitsweng ka ho ikgethang; sena se ka bokellwa le ho sebediswa jwalo ka manyoro. Mekgweng ya komiso, kenomoya e kgothaletsa ho hwama ha mongobo. Tjhelete ya thekiso (e fapanang ho itshetlehile ka mokgwa o sebediswang mmoho le seo monga lelapa a se kenyang): R3 000-R4 000 bakeng sa mekgwa ya kgwebo. Ditjeo tsa tshebetso: R35-R500 ho itshetlehile ka seabo sa mmuso wa masepala le ho ikemisetsa ha monga lelapa ho tshwarahana le tsa mantle, le mekgwa ya ho qhala.




## Ntlwana ya tshela-o-hulele

Ka mora ho ithoma lepane le hloka ho hulelwa ka dilitere tse mmalwa tsa metsi, mme metsi a setseng lepaneng a etsa sesireletsi kgahlanong le lephoka, dintsintsi le menwang. Tjhelete ya thekiso: R2 000-R3 500 mme e ka nyoloha ha mobu e le o sa lokelang didreine. Ditjeo tsa tshebetso: R150-R300, ka selemo moo ho nang le didreine mobung o ka tlase.



## Ntlwana ya metsi le monyediso ya mantle

Ntlwana ya metsi e hloka hore e tshelwe metsi ho boloka botlase ba selomo bo kwahetswe ke metsi. Pokello ya mantle e ka fapana ho tloha setshelo se kwetsweng ho ya ho mokgwa wa pokello ya dithata mmoho le wa monyediso ya tshila. Tjhelete ya thekiso: R2 000-R3 500, mme sena se ka nyoloha haeba mobu ha o a lokela didreine hantle. Ditjeo tsa tshebetso: R150-R300 ka selemo moo dreine ya mobu o ka tlase e leng teng.




# Tanka ya dikgwerekgwere mmoho le monyediso ya mantle

Mantle ho tswa ntlwaneng, mme ka kakaretso le metsi a ditshila a ka lapeng di hulelwa ho kena tjhembareng ya tshilo moo di dulang bonyane dihora tse 24 ho dumella hore di sebitswe le ho silwa hantle. Mokedikedi e sebeditsweng hanyenyane e ba e se e feta ho tswa tankeng mme e kene mokgweng wa dreine e mobung o ka tlase/mokgweng wa monyediso. Seretse se sitsweng se bokelleha butle-butle tankeng mme se hloka hore kgabahareng se tloswe ke tankara. Tjhelete ya thekiso: R7 000-R8 500. Ditjeo tsa tshebetso: R200-R450 ho itshetlehile hore ho qhalwa kgafetsa ho le hokae.


## Sethothamantle sa lesoba le lenyenyane se sa duleng dithata

Jwalo ka tanka ya dikgwerekgwere le monyediso ya mantle, ntle feela le ntlha ya hore tshila e mokedikedi e thothwa ka mokgwa wa dipeipi tsa botenya bo bonyenyane ho leba ntlheng e tshwanang ya tshebetso ya tshila (e ka nnang ya ba setsha sa tshebetso ya tshila se seng sebakeng seo se fihlellwang ka thothomantle e teng ha jwale kapa ka tankara). Tjhelete ya thekiso: e sedikadikweng seo ho fanweng ka sona sa ditheko tsa tanka ya dikgwerekgwere le mokgwa wa monyediso ya mantle, haeba tanka ya dikgwerekgwere e se e le teng, ho seng jwalo tjhelete ya thekiso e ba e hodingwana.




# Tanka ya poloko

Mantle a hulelwa tankeng moo a bolokwang a kgaohantswe le tikoloho e potapotileng pele a tloswa ka tankara bakeng sa ho lo sebetswa. Ditjeo di itshetleha ka boholo le hore ho qhalwa kgafetsa ho le hokae. Tjhelete ya thekiso: E qala ho R2 000-R5000 ho itshetlehile ka moaho o ka hodimo le boholo ba tanka. Ditjeo tsa tshebetso: R550 lelapa ka leng ka selemo (ho itshetlehile ka ditjeo tsa ho qhala tse etsang R181 tanka ka nngwe), ha ho nkuwa hore tanka e qhalwa ka palohare etsang makgetlo a 3 ka selemo.



# Sethothamantle se sa tebang



Mantle ho tswa ntlwaneng, mohlomong le metsi a ditshila a lapeng, empa ka mothamo o tlase haholo ho wa thothomantle e tlwaelehileng, di hulelwa mokgweng wa thothomantle o sebakeng sona seo, mme butle-butle di hoholelwa setsheng sa tshebetso e keneletseng ya tshila kapa ho sethothamantle sa mmileng mme di fete ho leba setsheng se seholo sa tshebetso ya tshila. R2 500-R3 000. Ditjeo tsa tshebetso: R300-R450, ho itshetlehole ka se tlang ho kengwa ke monga lelapa.



# Sethothamantle sa metsi ka ho felletseng

Mantle a tswang ntlwaneng mohlomong le metsi a ditshila a ka lapeng a hulelwa ka tshebediso ya mothamo o bonahalang wa metsi ho kena mokgweng wa thothomantle, hore a tloswe ho lebiswa setsheng sa ho a sebetsa, mme tsona ho na le mefuta e sehlotshwana ya tsona, e sebetsang tshila maemong a hodimo pele e lokollelwa tikolohong e nang le metsi. Tjhelete ya thekiso: R6 000-R7 000, ho elwa hloko ditjeo tsa boholo ba mothamo le tsa sethothamantle. Ditjeo tsa tshebetso: R400-R800 ka selemo.

## Setsha sa tshebetso ya metsi a ditshila



Dikgetho tse sa kgothaletsweng  
tša botekgeniki

Ntlwana e sa  
ntlafatswang ya mokoti

Ntlwana ya  
dikhemikhale

Ntlwana ya lebakethe

Matlwana a bohle ka  
kopanelo

Ke hobaneng dikgetho  
tsena di sa  
kgothaletswe?

Ha di na tlhweko  
Ha di a anela bakeng sa  
tshebediso ya malapeng  
Di theko e phahameng haholo  
Ke tša nakwana

